

Offerynnau Statudol sydd ag Adroddiadau Clir

09 Chwefror 2026

SL(6)734 – Rheoliadau Addysg (Cyllid Myfyrwyr) (Symiau) (Diwygiadau Amrywiol) (Cymru) 2026

Gweithdrefn: Gweithdrefn annilysu'r Senedd

Mae'r Rheoliadau hyn yn diwygio'r Rheoliadau canlynol:

- Rheoliadau Addysg Uwch (Symiau) (Cymru) 2015 ("Rheoliadau 2015");
- Rheoliadau Addysg (Cymorth i Fyfyrwyr) (Cymru) 2017;
- Rheoliadau Addysg (Cymorth i Fyfyrwyr) (Cymru) 2018;
- Rheoliadau Addysg (Benthyciadau at Radd Ddoethurol Ôl-raddedig) (Cymru) 2018; a
- Rheoliadau Addysg (Cymorth i Fyfyrwyr) (Graddau Meistr Ôl-raddedig) (Cymru) 2019.

Mae'r Rheoliadau hyn yn diwygio'r rheoliadau cymorth i fyfyrwyr presennol i addasu symiau cymorth cynhaliaeth myfyrwyr a lwfansau eraill a chyfraniad ôl-raddedig at gymorth costau yn unol â mesur o'r Mynegai Prisiau Defnyddwyr.

Mae'r Rheoliadau hyn hefyd yn diwygio Rheoliadau 2025 i gynyddu'r capiau ffioedd dysgu israddedig llawn amser a chymhwyso'r capiau hyn i'r holl bersonau cymhwysol ar gyrsiau cymhwysol mewn sefydliadau rheoleiddiedig yng Nghymru ar gyfer blynyddoedd academiaidd sy'n dechrau ar neu ar ôl 1 Awst 2026. Nid yw codi'r cap ffioedd dysgu yn cynyddu'r ffi ddysgu a godir, sy'n fater i'r sefydliad sy'n darparu'r cwrs.

Rhiant-Ddeddf: Deddf Addysgu ac Addysg Uwch 1998

Fe'u gwnaed ar: 20 Ionawr 2026

Fe'u gosodwyd ar: 22 Ionawr 2026

Yn dod i rym ar: 12 Chwefror 2026



Senedd Cymru
Pwyllgor Deddfwriaeth, Cyfiawnder a'r Cyfansoddiad
—
Welsh Parliament
Legislation, Justice and Constitution Committee

Offerynnau Statudol sydd ag Adroddiadau Clir 09 Chwefror 2026

SL(6)735 – Gorchymyn Deddf Cyllid Llywodraeth Leol (Cymru) 2024 (Cychwyn Rhif 1) 2026

Gweithdrefn: Dim Gweithdrefn

Y Gorchymyn hwn yw'r gorchymyn cychwyn cyntaf a wneir o dan Ddeddf Cyllid Llywodraeth Leol (Cymru) 2024 ("y Ddeddf").

Mae'r Gorchymyn hwn yn dwyn gweddill y darpariaethau yn adran 18 o'r Ddeddf i rym ar 1 Ebrill 2026. Mae adran 18(2)(c) a (5) eisoes mewn grym at y dibenion a bennir yn adran 23(6) o'r Ddeddf.

Rhiant-Ddeddf: Deddf Cyllid Llywodraeth Leol (Cymru) 2024

Fe'u gwnaed ar: 22 Ionawr 2026

Fe'u gosodwyd ar:

Yn dod i rym ar: 01 Ebrill 2026



Senedd Cymru
Pwyllgor Deddfwriaeth, Cyfiawnder a'r Cyfansoddiad
—
Welsh Parliament
Legislation, Justice and Constitution Committee

Offerynnau Statudol sydd ag Adroddiadau Clir

09 Chwefror 2026

SL(6)738 – Rheoliadau Gwasanaethau Mabwysiadu Rheoleiddiedig (Darparwyr Gwasanaethau ac Unigolion Cyfrifol) a Gwasanaethau Cymorth Mabwysiadu (Awdurdodau Lleol) (Diwygiadau Amrywiol) (Cymru) 2026

Gweithdrefn: Gweithdrefn gymeradwyo'r Senedd

Mae'r Rheoliadau hyn yn diwygio'r setiau o Reoliadau a ganlyn:

- (i) Rheoliadau Gwasanaethau Mabwysiadu Rheoleiddiedig (Darparwyr Gwasanaethau ac Unigolion Cyfrifol) (Cymru) 2019; a
- (ii) Rheoliadau Gwasanaethau Cymorth Mabwysiadu (Awdurdodau Lleol) (Cymru) 2005.

Mae'r newidiadau sy'n cael eu gwneud fel a ganlyn:

- estyn yr esemptiad presennol rhag cofrestru ar gyfer gwasanaethau mabwysiadu sy'n darparu gwasanaethau cymorth o dan gontract i gynnwys hefyd wasanaethau a ddarperir gan bartneriaethau a chyrff corfforedig o dan gontract;
- creu esemptiad ychwanegol rhag cofrestru ar gyfer darparu cwnsela mewn perthynas â mabwysiadu i oedolion;
- ddisodli cyfeiriadau at "rhiant naturiol" gyda "rhiant geni" (heb unrhyw newid yn ystyr y term);
- estyn cymhwysra ar gyfer gwasanaethau cymorth mabwysiadu penodol i gynnwys cyn-warcheidwaid plentyn mabwysiadol; a
- phennu bod yn rhaid i ofal seibiant sy'n cynnwys llety gael ei ddarparu o dan ddarpariaethau statudol penodol iddo fod yn gymwys fel gwasanaeth cymorth mabwysiadu.

Rhiant-Ddeddf: Deddf Mabwysiadu a Phlant 2002

Fe'u gwnaed ar:

Fe'u gosodwyd ar: 27 Ionawr 2026

Yn dod i rym ar: 01 Ebrill 2026



Senedd Cymru
Pwyllgor Deddfwriaeth, Cyfiawnder a'r Cyfansoddiad
—
Welsh Parliament
Legislation, Justice and Constitution Committee